



2026ko ORRI EUKARISTIKOA

Deklaratu **GERRA GOSEARI**

Manos Unidas
CAMPAÑA CONTRA EL HAMBRE

Otsailaren 8an, igandea, Manos Unidasen Jardunaldi Nazionala ospatuko dugu. Egun horretako liturgiarako, Eukaristia "Bakearen eta Justiziaren alde" egitea proposatzen dugu (Erromako Meza Liburua, Beharrian batzuetarako mezak, 30. zk., 1042.-1044. or.). Urtean zeharreko V. igandeko irakurgaiak aldarrikatuko ditugu (A urtea).

SARRERAKO MONIZIOA

Gaur, indarkeria desagerraraztera eta bakearen dohaina jasotzera animatzen gaituzte. Bakea da bihotzaren irrika sakona, baina, batez ere, bakea da gure bizitzan eta komunitateetan landu nahi dugun Jaungoikoaren dohaina.

Baina bakeaz hitz egiteak garapen justu, inklusibo eta jasangarria eraikitzea ere esan nahi du. Besteak beste, gosea eta pobrezia, nahitaezko emigrazioa, esplotazioa, abandonuak hautsitako haurtzarora eta indarkeria desagerrarazi behar dira bakearen bidez.

Bake-tresna izatera deituak gara, eta horrek esan nahi du justizia, adiskidetzea eta maitasuna sustatu behar ditugula gure bizitzetan.

DIRU-BILKETAKO OTOITZA

(Erromako Meza Liburua, 1043. orrialdea)



IRAKURGAIETARAKO MONIZIOA

Lehenengo irakurketa: Isaias profetaren irakurketan, Jainkoak gure ogia gosetuekin partekatzen eta pobreak hartzen deitzen gaitu.

Bigarren irakurketa: San Paulok Ebanjelioa apaltasunez eta maitasunez predikatzearen garrantziaz hitz egiten du. Jainkoaren jakindurian fidatu behar dugu, eta ez gizonen jakindurian.

Ebanjelioa: Jesusek gaita eta argia izatera deitzen gaitu. Gure ekintzen bidez Aita goraiatzeko moduan bizi behar dugu.

HERRI-OTOITZA: Jauna, emaguzu zure bakea.

Apaizak: Anai-arrebok, aurkez diezagkiogun gure erreguak Jaunari, eta eska diezaiozun bakea munduan eta gure bihotzetan.

● **Elizaren alde:** Jaunak eman diezagula grazia munduan bakearen eta adiskidetzearen ikur izateko, eta harmonian eta bat eginik bizi gaitzela.

Egin dezagun otoitz.

● **Agintarien alde:** Jaunak eman diezaiela argia gatazkak eta gerrak desagerrarazteko eta justiziaren, bakearen eta guztion ongiaren alde lan egiteko.

Egin dezagun otoitz.

● **Indarkeriaren biktimen alde:** Jaunak eman diezaiela kontsolamendua indarkeriatatik, gerragatik eta bidegabekeriagatik sufritzen dutenei, eta eman diezaiela mina gainditzeko indarra eta etorkizun hobe baten itzaropena. **Egin dezagun otoitz.**

● **Bakegintzan dabiltzanen alde:** Jaunak indarra eman diezaiela Manos Unidasen eta bakearen, adiskidetzearen eta justiziaren alde lan egiten dutenei, adoregabetu ez daitezen eta beharrezko lan horretan jarrai dezaten.

Egin dezagun otoitz.

● **Gure alde:** Jaunak eman diezagula grazia, beti eta edonon bake-tresna izateko. **Egin dezagun otoitz.**

Apaizak: O Jainko Aita errukitsua, entzun gure otoitzak eta eman bakea zure herriari. Jesu Kristo gure Jaunaren bitartez. Amen.



PIXABAY

DIRU-BILKETARAKO MONIZIOA

Diru-bilketa osoa Manos Unidasen lanari laguntzeko erabiliko da. Eskerrik asko zuen eskuzabaltasunagatik.

ESKAINTZAK

Ogiarekin eta ardoarekin batera, bakearen ikur diren uso bat (marrazkia edo irudia) eta olibondo-adar bat eskaintzen ditugu.

ESKAINTZEN INGURUKO OTOITZA

(Erromako Meza Liburua, 1043. orrialdea)



JAUNARTZE ONDORENGO OTOITZA

(Erromako Meza Liburua, 1043. orrialdea)



HOMILIARAKO IRADOKIZUNAK

▲ Gure begirada bakera bideratuta dago, gizaki guztion bihotzean baitago desira hori. Bakea ez da bakarrik gerrarik ez izatea. Pertsonen eta herrien arteko harmonia-, justizia- eta anaitasun-egoera da, eta elkarrekin eraiki nahi dugu.

▲ Desberdinkeria eta bidegabekeria nagusi diren mundu batean bizi gara. Parez pare ditugu gerrak, era guztietako indarkeria, pobrezia, diskriminazioa eta aukerarik eza, eta derrigortuta gaude bakearekin zer-nolako konpromisoa dugun hausnartzera.

▲ Gaur egun 56 gerra inguru daude zabalik munduan, 92 herrialde tartean direla, eta baliabide naturalen administrazioa da planetako gatazken lehen faktorea.

▲ Jainkoaren Hitzak, bakea aipatzen digunean, justiziarekin erabat uztartuta dagoen bakea aipatzen digu. Eta Elizaren irakaspenek azpimarratzen dute bakea justizia bilatzea dela (Pio XII.a eta Joan XXIII.a). Jainkoak maite duen mundu bat eraikitzea (Paulo VI.a). Elkartasunaren eta herrien arteko benetako adiskidetzearen emaitza (Joan Paulo II.a). "Bake armagabe eta desarmatzaile" baten premia (Leon XIV.a)".

▲ **Munduarentzat gatza eta argia izateak esan nahi du errukia helburutzat hartzea; indarkeriaren biktimenganako ahaleginez eta konpromisoz bizitzea.**

▲ Indarkeria desagerraraztera eta bakea eraikitza deituak gara. Badakigu posible dela bakea lortzea. Etengabeko zeregina da, eta erantzukizunez eta konpromisoz hartu beharko dugu gure gain.

▲ Bakerako ekintzak:

- ✓ Elkarrizketa eta adiskidetzea sustatzea.
- ✓ Justizia sozialaren alde borrokatzea.
- ✓ Topaketaren kultura lantzea.
- ✓ Gure inguruan bake-eragile izatea.
- ✓ Bakea eta adiskidetzea sustatzen duten ekimenei laguntzea.

▲ **Bakea elkarrekin zaindu eta eraiki beharreko dohaina da. Kristoren bakea gure bihotzetan nagusi izan dadila eta bakearen tresna izan gaitzela.**

EGINKIZUNA BETETZERA GONBIDATZEKO AZKEN MONIZIOA

Izan zaitzte bakearen artisauek, adiskidetzearen alde lanean. Egin ezazue zuen ekarpena pobrezia, gosea eta desberdinkeria desagerrarazten laguntzeko.



PIXABAY

Borondatezko Barauaren Eguna
2026ko otsailaren 6a, ostirala

Manos Unidasen Jardunaldi Nazionala
2026ko otsailaren 8a, igandea



Kristau-prestakuntzarako material gehiago, hemen: manosunidas.org/sensibilización-parroquias